

Landesbibliothek Oldenburg

Digitalisierung von Drucken

**M. Tullius Cicero Mannvciorm Commentariis Illvstratvs
antiquaeq. lectioni restitutus**

Continens Orationum Volumen Primum

Cicero, Marcus Tullius

Venetiiis, 1583

In Orationem Ciceronis Pro Sex Rosc Amerino Pavlli Manvtii
Commentariis. Argvmentvm

[urn:nbn:de:gbv:45:1-764059](#)

IN · ORATIONEM · CICERONIS
PRO · SEX · ROSC · AMERINO
PAVL LI · MANVTII
COMMENTARIUS



ARGUMENTVM



CHRYSOGONVS, Sullae dictatoris libertus, Sex. Roscij Amerini interficti bona, tamquam unius e proscriptorum numero, coemerat. cumq. Roscium a Sulla proscriptum non fuisse, satis exploratum haberet, uereturq. ne quando filius eius, pro quo haec habita oratio est, paterna bona repeteret; induxit C. Erutum, qui eum de parricidio accusaret, parricidiq. caussam afferret, quod eum pater, in praedia rustica amandatum, exheredare cogitaret. Roscium Cicero defendit, non minore animo, quam ingenio. libere enim in Chrysogonium, Sullae libertum, ualde gratiosum, est inuestitus. Columniam autem refellit tribus argumentis, primum, quod Roscio, cur patrem odiisse, ac se tam nefario scelere adstringere deberet, caussae nihil esset: deinde, quod in duos potius Roscios, Capitonem, & Magnum, cum quibus patris Roscio ueteres inimicitiae fuerant, eius maleficij suspicio caderet: postremo, quod Chrysogonus, potentia sua fretus, Roscij patris bonis ab hasta minimo emptis, omni ui, atque ope contenderet, ut, eius unico filio, quo incolumi patrimonium tam amplum & copiosum se posse obtainere non arbitraretur, damnato, & eiecto, tutius ea bona, nullo litio metu, perpetuo possideret. Absolutum esse Roscium, nemo, ut arbitror, dubitat, qui uerba illa in Bruto legerit: Prima caussa publica, pro Sex. Roscio dicta, tantum commendationis habuit, ut non ulla esset, quae non nostro digna patrocinio uideretur. Et illa lib. 11. Off. Maxime autem & gloria paritur, & gratia defensionibus, eoq. maior, si quando accidit, ut ei subueniatur, qui potentis alicuius opibus circumueniri, urgeri. uideatur: ut nos & saepe alias, & adolescentes, contra L. Sullae dominantis opes, pro Sex. Roscio Amerino fecimus. Acta caussa est L. Sulla 11, Q. Metello Pio cos. quiescitore M. Fannio, cum annos Cicero XXVII natus esset, ut Gellius, Asconium secundus, ostendit.

M. TVLLII

M·TVLLII·CICERONIS PRO·SEX·ROSC·AMERINO ORATIO II



REDO ego uos, indices, mirari, quid sit, quod, cum tot summi otatores, hominesq. nobilissimi sedeant, ego, potissimum surrexerim, is, qui neque aetate, neque ingenio, neque auctoritate sim cum his, qui sedeant, comparandus. omnes enim hi, quos uidetis adesse in hac caussa, iniuriam nouo scelere conflatum putant oportere defendi, defendere ipsi propter iniquitatem temporum non audent. ita fit, ut adint, propterea quod officium sequuntur; taceant autem iecirco, quia periculum metuunt. quid ergo? audacissimus ego ex omnibus? minime. at tanto officiosior, quam ceteri? ne illius quidem laudis ita sum cupidus, ut alijs tam praereptam uelim. quae me igitur res praeter ceteros impulit, ut causam Sex. Roscij recuperem? quia, si quis iſtorum dixisset, quos uidetis adesse, in quibus summa auctoritas est, atque amplitudo; si uerbum de reperciisset, id quod in hac caussa fieri necesse est; multo plura dixisse, quam dixisset, putaretur: ego etiam si omnia, quae dicenda sunt, libere dixero, nequaquam

tamen similiter oratio mea exire, atque in uulgo emanare poterit: deinde, quod ceterorum neque dictum obscurum potest esse propter nobilitatem, & amplitudinem, neque temere dicto concedi propter aetatem, & prudentiam; ego si quid liberius dixerim, uel occultum esse propterea, quod non dum ad remp. accessi, uel ignosci adolescentiae meae poterit. tametsi non modo ignoscendi ratio, uerum etiam cognoscendi consuetudinam de ciuitate sublata est. accedit illa quoque caussa, quod a ceteris forsitan ita petuum sit, ut dicerent, ut utrumvis saluo officio se facere posse arbitrarentur: a me autem iſ contendunt, qui apud me & amicitia, & beneficijs, & dignitate plurimum possunt: quorum ego neque benevolentiam erga me ignorare, nec auctoritatem aspernari, nec uoluntatem negligere debeam. His de caussis ego huic causae patronus exstiti, non electus unus, qui maximo ingenio, sed relictus ex omnibus, qui minimo periculo possem dicere: neque uti satis firmo praesidio defensus Sex. Roscius, uerum uti ne omnino desertus esset.

E X P L A N A T I O



VMMI oratores, hominesq. nobilissimi sedeant, & sedebant in subsellijs rei, non ut patroni, sed ut adiutores. NEQVE auctoritate & nullis dum gelitis, magistratibus. INIURIAM nouo scelere conflatam & iniuriam, quae Sex. Roscio infertur, cum de patris interitu accusatur ab ijs, ad quos maxime facinoris eius culpa pertinet. Nouo scelere, quia duo scelera sunt, unum occidisse Roscij patrem tamquam proscriptum a Sulla, qui proscriptus non erat, & eius bona, tamquam proscripti ab haec coemisse; alterum, innocentem ac miserum eius filium, paternis bonis iniuste priuatum, ne quando ea recuperare posset, de parricidio accusare. PROPTER iniquitatem temporum & metu Sullae dominantis. nam satis constabat, & gratia ualere plurimum apud Sullam libertum eius Chrysogonum, & ab eodem libero oppugnati in iudicio Rosciū propter paterna bona. Sic igitur excusat oratores, Roscij amicos, qui tacerent, ut statum temporum accuset, nullo metu Sullae. quamquam, hac oratione habita, in Graeciam se contulit, aduersam ualetudinem simulans, reuera quod Sullae odium timeret. Plutarchus. OFFICIVM sequuntur; & cauſam Roscij metu Sullae non agunt; ei tamen, iniuste uezato, adducti officio praesentes fauent. Id QVOD in hac caussa fieri necesse est; & defendi Roscius non potest, nisi contra Chrysogonum uerba fiant. Chrysogonum autem accusare, quid alius est, quam Sullam ipsum, cuius ille gratia nititur, & praesentem reip. statum in iniuidiam nocare? EGO & cuius nec auctoritas, nec amplitudo eadem est. NON DVM ad remp. accessi, & nondnm honores gesserat, ac ne aetate quidem erat senatoria, quae XXX annorum fuit, ut alio loco diximus. Non modo ignoscendi & hoc quoque contra Sullam, qui, quos ciuili bello aduersarios habuerat, eorum post victoriam ignouisset nemini. COGNOSCENDI cognoscere de criminib. praetores dicebantur, eam cognitionem, Sulla dominante, liberam non esse, non obscure narrat. Iudicabant autem hoc tempore soli senatores, lege Sullae: qui, equitibus iratus, quod a Marianis partibus steterant, cum alijs eos affectis incommodis, tum uero iudicandi munere, quod lege C. Grachi per annos XL tenuerant, priuauit: ut uerisimile sit, qui lege Sullae dominantis iudicia, equitibus erupta, administrarent, eius uoluntatem, cuius beneficio honorem illum ac potestatem essent adepti, in iudicando potissimum spectare debuisse. Notetur lepidum παράγειν, Non modo ignoscendi, uerum etiam cognoscendi. VT DICERENT, & ut Rosciū defenserent. SALVO officio & quia non, ut a me, contendunt ijs, qui apud eos & amicitia, & beneficijs, & dignitate plurimum possent, ita licuit ijs Roscij cauſam saluo officio non suscipere. quod mihi non licuit. CONTENDERUNT & de illis dixit, Petitum; de se, Contenderunt; in quo uis maior. AVCTORITATEM & cum auctores mihi sunt, ut aliquid agam, sicuti auctores fuerint, ut Roscij cauſam suscipere. VOLVNTATEM & quam pro Roscio summam ostenderunt. NE OMNINO deſertus & tacite opem implorat ab equite iudicū; cum Roscius infirmo defensionis praefidio nitatur.

ORA.